

蘇州府志卷第四十六

第宅園林二

長洲縣

周

馮煖宅

晉

丁令威宅

唐

顧鍊師草堂

宋

蘇州府志

卷四十六

第宅園林目錄二

七檜堂

葉道卿小隱

中隱堂

滄浪亭

賢行齋

閻邱孝終宅

讀書堂

范師道宅

林樞密希宅

蝸廬

西園

楊和王府

信安郡王府

阮登炳宅

強齋

閑貴堂

肯堂

靜樂堂

葉少蘊宅

策勳亭



鄭所南宅

元

周伯琦宅

小丹邱

明

徐布政賁宅

皇甫信宅

沈周宅

小洞庭

李應真宅

拙政園

陽山草堂

顧仁效陽山草堂

顧家青山

范允臨宅

劉曙宅

遂儀堂

蘇州府志

卷四十六

第宅園林目錄二二二

歸田園

國朝

橙林小隱

顧汧鳳池園

彭仁簡宅

佚園

謝鷗草堂

孫祭酒岳頌第

獅子林

二林居

書種堂

網師園

淶水園

息園

潘文恭公第

元和縣

周

澹臺滅明宅

孫武子宅

漢

朱太守梁宅

顧訓宅

吳

陸績宅

晉

王珣王珉別館

戴暉宅

唐

史德義宅

陸羽寓舍

蘇州府志

卷四十六

第宅園林目錄二二三

李紳寓舍

褚家林亭

陸龜蒙別墅

羅隱庵

宋

五柳堂

都官書院

通幽軒

元魏公絳宅

靜庵

醒心亭

萬華堂

萬卷堂

成齋

方使君宅

方子通宅

蓬齋

張幾道宅

何仔園亭

呂浩叟宅

元

笠澤漁隱

高士袁易宅

漁莊別業

柯九思宅

明

高太史啟宅

葉唐夫宅

張處士雨寓舍

陳祭酒鑑宅

韓雍葑溪草堂

鄭景行南園

湯珍別業

馬氏東園

徐源別業

陳璠故宅

蘇州府志

卷四十六

第宅園林目錄二 四

顧餘慶宅

任太守孜宅

東莊

桐園

竹軒

嚴文靖公訥宅

徐問卿東園西園

紫芝園

真趣園

邢先生讀書房

郭少卿別業

錢邦彥宅

王敬臣宅

陸完宅

陳仁錫宅

吳之佳宅

宋學朱宅

顧宗孟宅

丁元復別業

梅花墅

坳里山房

鄭敷教宅

王佐聖宅

朱祖文宅

李模別業

塔影園

韓氏山莊

墨池園

竹亭

近峯別業

玉涵堂

臥雪齋

半偈庵

松筠堂

山塘小隱

礪庵

芳草園

國朝

蘇州府志

卷四十六

第宅園林目錄二一五

諫草樓

徐高士宅

汪琬宅

尤侗宅

韓焚宅

洽隱園

沈德潛宅

紅豆書莊

薛家園

葑水園

張大受宅

學草堂

懷劬閣

敦葦河房

勉善堂

青芝山堂

勺湖

宋太史宅

西溪別墅

蔣氏塔影園

涉園

萱園

畱臥園

竹柏樓

止園

鳧溪漁舍

漁隱小圃

一榭園

寒碧山莊

王氏雙節宅

韓封宅

王芭孫宅

百宋一廬

退園

勁節樓

蘇州府志卷第四十六

第宅園林二

長洲縣

周

馬煖宅在彈鋏巷

一名長鋏巷

唐人云有墳在側碑刻猶存煖卽客

齊孟嘗君之門彈鋏而歌者也

互見卷一冢墓

晉

丁令威宅在陽山有鍊丹井存焉

明高啟詠丁令威宅令威作仙上天去舊宅畱在青山阿

千年宅廢但遺井何處更聞華表歌南陌黃塵是去客東流碧海絕迴波鶴歸重覽應惆悵地上邱墳今又多

唐

蘇州府志

卷四十六

第宅園林二

一

顧鍊師草堂在陽山

唐李頻題陽山顧鍊師草堂若到當時上

坐見年來取茯苓

宋

葉參少卿七檜堂在天慶觀東葉嘗守吳旣謝事因居焉作此

堂以佚老見其子清臣至大官

宋范仲淹題七檜堂退也天之道東南事了人風波拋舊

路花月伴閑身湖外扁舟遠門中駟馬新心從今日泰家似昔時貧見子登西掖攜孫過北鄰白雲高閣曙淥水後池春

尊酒呼前輩爐香扣上真只應陰德在八十富精神

葉道卿

清臣子

小隱堂秀野亭在城北郡人多游飲於此

宋蔣堂過葉道

卿侍讀小園秀野亭連小隱堂紅蕖綠篠媚滄浪卜山居士無歸意卻借吳儂作醉鄉

中隱堂在大酒巷都官員外郎分司南京龔宗元所作取白樂

天詩句名之與屯田員外郎程適太子中允陳之奇日爲文酒之娛皆耆德碩儒挂冠而歸者吳人謂之三老

滄浪亭在郡學之南

圖經續記乾隆志前志俱作在郡學東

積水彌數十畝傍有

小山高下曲折與水相縈帶石林詩話以爲錢氏時廣陵王元璩池館或云其近戚中吳軍節度使孫承佑所作慶曆間蘇舜欽子美得之傍水作亭曰滄浪歐陽文忠公詩云清風明月本無價可惜只賣四萬錢滄浪之名始著子美死屢易主後爲章申公家所有廣其故地爲大閣又爲堂山上亭北跨水有名洞山者章氏併得之旣除地發其下皆嵌空大石人以爲廣陵王時所藏益以增累其隙兩山相對遂爲一時

蘇州府志

卷四十六

第宅園林二

二

雄觀建炎狄難歸韓蘄王家

吳郡志

韓氏作橋兩山之上名曰

飛虹張安國書匾山上有連理木慶元間猶存今山堂曰寒

光傍有臺曰冷風亭又有翊運堂耿元鼎作記池側曰濯纓

亭梅亭曰瑤華境界竹亭曰翠玲瓏木犀亭曰清香館其最

勝則滄浪亭也

唐志

由元迄明廢爲僧居嘉靖間知府胡纘宗

於其址之妙隱庵建韓蘄王祠

互見祠

釋文瑛於大雲庵旁復

建滄浪亭

國朝康熙間巡撫都御史王新命建蘇公祠

互見

祠商邱朱豕宰舉撫吳時尋訪遺跡復構亭於山之顛得文

徵明隸書滄浪亭三字揭諸楣循北麓折而東小軒曰自勝

取蘇記中語

迤西十餘步爲屋三楹曰觀魚處

因蘇詩故名

亭之南翼

以修廊曰步碕從廊戶出有堂歸然卽子美祠也

乾隆志道光志同

道光七年巡撫梁公章鉅重修有記咸豐庚申城陷被燬同治十二年巡撫張公樹聲重建有記亭建原所其南爲明道堂堂之後東菑西爽折而西爲五百名賢祠祠之南翠玲瓏亭以北爲面水軒靜吟藕花水榭皆臨水餘如清香館聞妙香室瑤華境界見心書屋步碕印心石屋看山樓大半就地結構仍題舊額其中石刻如康熙中

賜巡撫吳存禮詩及楹聯乾隆十二年

御書江南潮災歎

御題文徵明小像宋蘇舜欽畱別王原叔詩道光中陶澍滄浪

蘇州府志

卷四十六

第宅園林二

三

五老圖詠朱琦七友圖記楊鑄論詩圖題詠五百名賢繪像
闕名書歐陽修詩歸有光記及康熙後重修各記俱修剔以
復舊觀每歲春秋游人如織宋蘇舜欽滄浪亭記予以罪廢無所歸扁舟南游旅於吳中始
傲舍以處時盛夏蒸燠土居皆褊狹不能出氣思得高爽虛
闊之地以舒所懷不可得也一日過郡學東顧草樹鬱然崇
阜廣木不類平城中並水得徑於雜花修竹之間東趨數百
步有棄地縱廣由五十六尋三面皆水也江之南其地益濶
旁無民居左右皆林木出虧蔽訪之舊老云錢氏有國近戚
孫承祐池館也均隆勝慨遺意尙存予愛而徘徊遂以錢四
萬得之構亭北碕號滄浪焉前竹後水水之陽又竹無窮極
澄川翠幹光影會合於戶軒之間尤與風月爲相宜予時榜
小舟幅巾以往至則灑然忘歸觴而浩歌踞而仰笑野老不
至魚鳥共樂形骸既適則神不煩觀聽無邪則道以明返思
向之汨汨榮辱之場日與緇銖利害相磨戛隔此真趣不亦
鄙哉噫人固動物情橫於內而性伏必外寓於物而後遣寓
久則溺以爲當然非勝是而易之則悲而不開惟仕宦溺人
爲至深古之才哲君子有一失而至於死者多矣是未知所

以自勝之道予既廢而獲斯境安於冲曠不與衆驅因之復
能見乎內外得失之源沃然有得笑傲萬古尚未能忘其所
寓故用是以爲勝焉明歸有光記浮圖文瑛居大雲庵環
水卽蘇子美滄浪亭地也所求子作滄浪亭記曰子美之記
記亭之勝也請子記我所以爲亭者余曰昔吳越有國時廣
陵王鎮吳中治園於子城之西南其外戚孫承祐亦治園於
其偏迨淮海納土此園不廢蘇子美始建滄浪亭最後禪者
居之此滄浪亭爲大雲庵也有庵以來二百年文瑛尋古遺
事復子美之構於荒煙殘滅之餘此大雲庵爲滄浪亭也夫
古今之變朝市改易嘗登姑蘇之臺望五湖之渺茫羣山之
蒼翠太伯虞仲之所建闔閭夫差之所爭子胥種蠡之所經
營今皆無有矣庵與亭何爲者哉雖然錢鏐因亂攘竊保自
吳越國富兵強垂及四世諸子姻戚乘時奢僭宮館苑囿極
一時之盛而子美之亭乃爲釋子所欽重如此可以見士之
欲垂名於千載不與澌然而俱盡者則有在矣文瑛讀書喜
詩與吾徒游呼之爲滄浪僧云國朝宋肇重修滄浪亭記
余來撫吳且四年漸與吏民相安於無事而吏民亦安余之
簡拙事以寢少故雖處劇而不煩暇日披圖乘得宋蘇子美
滄浪亭遺址於郡學東偏距使院僅一里而近間過之則野
水滌洄巨石頽仆小山藂翳於荒煙蔓草間人跡罕至余於

蘇州府志

卷四十六

第宅園林二

四

是亟謀修復構亭於山之巔得文衡山隸書滄浪亭三字揭
諸楣復舊觀也亭虛敞而臨高城外西南諸峯蒼翠吐欲檐
際亭旁老樹數株離立擎攫似是中語也迺西十餘步得平地
而東構小軒曰自勝取子美記中語也迺西十餘步得平地
爲屋三楹前亘土岡後環清溪顏曰觀魚處因子美詩而名
也跨溪橫畧約以通游履溪外菜畦民居相錯如繡亭之南
石磴陂陀欄檻曲折翼以修廊顏曰蘇公祠則仍舊屋而新之
然祠子美木主其中而榜其門曰蘇公祠則仍舊屋而新之
余暇輒往游杖履獨來野老接席鷗鳥不驚胸次浩浩焉落
落焉若游於方之外者或者疑游覽足以及廢政患不謂然夫
人日處塵勞固於簿書之激繆廓之表則耳日若益而曠
憧然莫辨去而休乎清冷之域寥廓之表則耳日若益而曠
志氣若益而清然後事至而能應物觸而不亂嘗誦王陽明
先生詩曰中丞不解了公事到處看山復尋寺先生豈不了
公事者其看山尋寺所以逸其神明使不疲於屢照故能決
大疑定大事而從容暇豫如無事然以余之驚拙何敢望先
生百一而愚竊有慕乎此然則此亭也僅以供游覽歟亭廢
且百年一旦復之主守有僧飯僧有此亭也僅以供游覽歟
廢嗟乎當官傳舍耳余有時而謀所以永之者歟子美事詳宋
斯亭豈無有與余同其樂而謀所以永之者歟子美事詳宋

史與茲亭之屢興廢宜別有記者皆不書經始乙亥八月落成以明年二月買僧田七十畝有奇並著之碑陰令後有考
修竹慰秋顏迹與豺狼遠心隨魚鳥閑吾甘老此境無暇事
機關滄浪靜吟獨遠虛亭步石缸靜中情味世無雙山蟬
帶響穿疎戶野蔓盤青入破窗二子逢時猶死餓三閭遭逐
便沈江我今飽食高眠外惟恨澄醪不滿缸歐陽修滄浪
亭子美寄我滄浪吟邀我共作滄浪篇滄浪有景不可到使
我東望心悠然荒灣野水氣象古高林翠阜相回環新篁抽
筍添夏影老林亂發爭春妍水禽間暇事高格山鳥日夕相
啾喧不知此地幾興廢仰視喬木皆蒼煙堪嗟人跡到不遠
雖有來路曾無緣窮奇極怪誰似子搜索幽隱探神仙初尋
一徑入蒙密豁目異境無窮邊風高月白最宜夜一片瑩淨
鋪瓊田清光不辨水與月但見空碧涵漪漣姑蘇臺邊人響
絕夜靜往往聞鳴船清風明月本無價可惜祇賣四萬錢又
疑此境天乞與壯士憔悴天應憐鴟夷古亦有獨往江湖波
濤渺翻天崎嶇世路欲脫去反以身試蛟龍淵豈如扁舟任
飄兀紅蕖綠浪搖醉眠丈夫身在豈長棄新詩美酒聊窮年
雖然不許俗客到莫惜佳句人間傳梅堯臣寄題滄浪亭
聞買滄浪水遂作滄浪人置身滄浪上日與滄浪親宜日滄

蘇州府志

卷四十六

第宅園林二五

浪叟老向滄浪濱滄浪何處是洞庭相與鄰竹樹種已合魚
蟹時可緝春羹茱萸白菰夏鼎烹紫葢黃柑摘霜晚香稻炊玉
新行吟招隱詩懶帶醉巾憂患兩都忘還往誰與頻昨得
滁陽書語彼事頗真鬚子初去國我勉勿迷津四方不可之
中土百事淳今子居所樂豈不遠埃塵被髮異秦伯結客非
春申莫與吳俗尚吳俗多文身蛟龍刺兩股未變此遺民讀
書本爲道不計賤與貴當須化閭閻里庶使禮義臻韓維聞
君買宅洞庭旁白水千畦插稻秧秋生事已能支伏臘歲華全
得屬文章鸞飛鳳凰知何暮蟠蟄蛟龍未可量莫以江山足
清尚便收才業傲唐虞胡宿宿寶逐本無罪羈窮向此忘野
煙含悵望落日滿滄浪亂草荒來綠幽蘭死亦香楚魂招不
得秋色似瀟湘胡蝶昔聞治浪亭木濯滄浪水先賢渺遺
跡壯觀一何侈飛橋跨水未巨浸拆胡壘槽牀行萬甕繚牆
周數里廢興固在天庶用觀物理緬懷嘉祐世周道平如砥
相君賢相君子美東南美如何一網盡禍豈在故紙青蠅夢
白黑作俑茲焉始所存醉翁文垂耀信百世無忘角已詠嘉
樹猶仰止同來二三子感歎咸坐起縹緲資醕新汲毀譽均一
洗忽逢醒狂翁一別垂二紀雋哉老益壯論事方切齒我欲
裂絳幔推著明光裏安得上天風吹落君王耳元袁易曼
穹積長陰寒日光炯碎虛徐步城隅物色入遐睎蘇侯故臺

沼蕪沒今誰記依依故址存慘慘迴瞻厲谷傳魍魎嘯地失
神靈衛伊人百夫特文采傾當世立朝罹網羅抱影投荒裔
阜淹天馬逸繡困秋鷹驚空餘意氣雄摩疊山岳銳生存且
漂泊身後何嗟異下泉雖冥冥精爽不可閤孤鶴千載歸秋
風九皋唳明高啟滄浪平無風波之驚滄浪廣有風月之
賞吳興長史舊遷謫買得此水自號滄浪客垂釣在北渚榜
船臨西洲白鷗不來往遣興與誰同游發清歌弄清景醉入荷
花夢魂冷天念儒臣去國冤故與無塵水雲境斯人去已遠
我來空復情滄浪水雖在不似昔年清躊躇獨過亭前路莎
草寒煙沙鳥鳴國朝宋肇重修滄浪亭和歐陽公韻滄浪之
之水清且漣亭子結向滄浪邊滄浪之亭幾興廢滄浪之水
今依然蘇州南園最幽曠池館創自武肅年厥後踵事非一
姓轉眼變滅隨雲煙湖州長史昔貶謫愛此卜築將終焉輕
舟野服恣嘯傲援琴命酒樂靜便長史作記歐公賦金鐘大
鏞聲相宣斯亭遂與人不朽買得只用四萬錢曰予向往自
弱歲今宦於此嗟華顛手捉孤篁遍探歷荒岡突兀臨長川
方花古礎纏蔓草幾株喬木仍參天都官園空接斷壠斬王
廟在餘數椽老夫顧此願修復勝事肯合他人專伐石作亭
懸舊額爰飭祠宇肅豆遵軒小疑乘船隔城山色落衣袂步
旋觀魚處敞儼對鏡自勝軒小疑乘船隔城山色落衣袂步

蘇州府志

卷四十六

第宅園林二

六

琦矯首聊遲延回廊畧約紛點綴管領風月凌平泉山僧野
老共登眺中央央旂旄卻勿前官熱心冷每自笑山林痼疾良
難湔左司文章久避席白傅游宴或比肩綿津滄浪忽對舉
西堂語厚意則偏吳人好事更我任教畫作屏風傳尤
們和歐陽公韻家近蘇子滄浪亭嘗讀歐公滄浪篇歐公足
跡未嘗到詩中寫影何宛然城南南園皆曠荒村老寺交
圍環憶昔錢王始創此錦衣歌舞爭華妍謹其繼之章與蔡
蠅營狗苟徒喧喧忠武動名照天地將軍鐵馬歸寒煙至今
惟說蘇子美才人獨結江山緣泉石往往雷遺跡追隨姓氏
如神仙不知魂魄落何處春風秋月仍無邊可惜草亭一塊
土農夫日逐犂爲用滄浪清今滄浪濁蘇軾詩勺水猶淪漣盤
門令辟車馬少僅通轡約艤蓬船古廟蘇軾詩你歌去庵僧燈
火愁無錢商邱中丞今詞伯竭來獻弔蘇軾詩蘇軾命匠人新
土木儼然圖畫開青天芻蕘往焉宜種樹漁父過此時臨淵
西堂老翁聞之喜亦攜杖屨思高眠桃花隔中呼伯虎
斗酒其醉羲皇年寄謝使君真好事綿津當與滄浪傳
賢行齋在大雲坊林少卿處所居朱長文記坊互見
忠字德祖號

大雲翁

朝議大夫閻邱孝終宅在張馬步橋北蘇文忠公軾所云二邱

爲虎邱閻邱也

互見坊巷

讀書堂宋使君晦父所居

范龍圖師道宅在廌冠坊

互見坊

林樞密希宅在烏鵲橋南儒學坊

互見坊

又一宅在寶華山下

蝸廬在城北中書舍人程俱致道所居致和間自監舒州茶場

上書論時政不合來家於吳葺小屋號蝸廬中有常寂光室

勝義齋其志云昔張志和結廬會稽東郭采椽不斲茨以生

草余結此廬皆竹椽松柱布隙地三兩席稍種竹樹因戲作

菊竹鳳仙雞冠紅莧芭蕉水青七詠

廬志俱葺蝸廬吳下四海無廬著此翁故營松

蘇州府志

卷四十六

第宅園林二

七

竹儘囊空明知計出柏馬下正擬身全木雁中東郭易成生
草舍南村先怯卷茅風向來豪氣今如此敢與元龍較長雄
又遷居蝸廬有室僅容膝有門不容車囊中孰非寄是豈
真吾廬不作大耳兒閑關種園蔬茅檐接環堵無地可灌鋤
不作下榻翁一室謝歸除平生四海志投老河魚枯願從素
心人不減南村居蕭然冰炭外傲睨萬物初坐視蠻觸戰兼
忘糟粕書聊呼赤
松子伴我龜腸處

西園在閭門西洛人趙思別業也張孝祥大書其扁曰古江村

中有足娛堂

思宅名和政堂在九勝巷

楊和王存中府在和令坊卽今正覺寺

互見坊寺

信安邵王府在閭邱坊孟忠厚所居有靜寄堂清心亭萬卷堂

諸扁皆孝宗御題有藏春園

阮狀元登炳宅在南星橋西有狀元坊

互見坊

強齋寓公高之問所居寶慶元年魏華父記

閑貴堂在醋坊橋東本蕭氏雙節堂也既爲周虎所得遂易今

名後有臺環以古桂數千本名曰凌霜宅東又有陂陀立亭

其上曰已高

其地卽九曲牆巷盧志

肯堂郡人鄭起潛尙書所居在天心橋又有立庵皆理宗御書

靜樂堂在烏鵲橋南知郡孔元忠所居有樓儲書萬卷葉適以

詩贈之

葉少蘊舊宅在鳳池鄉前有魚城橋政和中寓布德坊

策勳亭郡人王希默所居希默庫部郎中貽之仲子也清異錄

云希默簡淡無他好惟以對鏡爲娛整飾眉鬚終日無倦以

蘇州府志

卷四十六

第宅園林二

八

杜子美有勳業頻看鏡之句遂作策勳亭仍自號勳叟收古

今善鏡典衣償無難色居長洲結親友之蓄異鏡者數人間

日會聚樂飲各出鏡傳玩評品抵掌極歡而罷鄉人目曰鏡

社希默又集載籍凡言鏡者成二十卷號銅仙傳云

盧志

鄭所南思肖宅在樂橋東條坊巷

元

參政周伯琦所居名老相公衙在干將坊伯琦使吳被畱張氏

構此館之極壯麗明永樂間爲魯都尉春賜第

小丹邱在天心里至正末陳基所構基台人以天台曰丹邱故

名戴良記

明

徐布政賁宅在齊門外故自號北郭生

皇甫信宅在南倉橋之西七十步皇甫氏宋南渡時自朝那徙

居以漢太尉食邑槐里樹兩槐曰槐樹巷四傳至信六世孫

冲爲居第記

互見巷

石田先生沈周宅在相城名有竹居

小洞庭在齊門外劉僉事珏卽舊宅累石爲山因名徐有貞記

太僕少卿李應真宅在通關坊

拙政園在婁齊二門間嘉靖中王御史獻臣因大宏寺廢地營

別墅以自託潘岳拙者之爲政也文待詔徵明爲圖記後其

蘇州府志

卷四十六

第宅園林二

九

于以擣菹負失之歸里中徐氏 國初海寧陳相國之遴得

之中有連理寶珠山茶花時爛紅奪目相國謫塞外此園入

官爲駐防將軍府

園內山茶花一株兩株枝交加豔如天孫

織雲錦顏如姹女燒丹砂吐如珊瑚綴火齊映如蟬蛸凌朝

霞百年前是空王宅寶珠色相生光華長養端資鬼神力優

曇涌現西流沙歌臺舞榭從何起當日豪家擅閭里苦尊精

藍爲玩花旋拋先業隨流水兒郎縱博賭名園一擲畱傳猶

在耳後人修築改池臺石梁路轉蒼苔履曲檻奇花拂畫樓

樓上朱顏嬌莫比千條絳蠟照鈴華十丈紅牆飾羅綺鬪盡

風流富管弦更誰瞥眼閑桃李齊女門邊戰鼓聲入門便作

將軍壘荆榛從填馬矢高斧斤勿剪黃鶯喜近年此地歸相

公相公勞苦承明宮真宰陽和陪回韓長安日披薰風花

鎖月明中灌花老人向前說園中昨夜零霜雪黃沙漸漸動

人愁碧樹垂垂爲誰發可憐塞上燕支山染花不就花枝殷

江賊作花顏色好杜鵑啼血何斑斑花開連理古來少並蒂

同心不相保名花珍異惜如珠滿地飄殘胡不歸楊柳絲絲

二月天玉門關外無芳草縱費東君著意吹忍經摧折春光
老看花不語淚沾衣惆悵花間燕子飛折取一枝還供佛征
人消息旗軍既撤迭居營將又爲兵備道館既而爲吳三桂
幾時歸

垺王永寧所有復籍官康熙十八年改蘇松常道新署

徐乾學記

云始虞山錢宗伯謙益嘗構曲房其中以娛所嬖河東君而
海寧相公繼之門施行馬海寧得禍入官駐防將軍以開幕
府禁旅既還則有鎮將某某者迭館焉亡何而前備兵使者
安公以爲治所未暇有所改作既而歸於永寧凡前此數人
居之者皆承拙政之舊自永寧始易置邱壑益以崇高雕鏤
蓋非復圖記詩賦之云云矣滇黔作逆永寧與凶渠有連既
先事死而園屋猶以藩本入官其最侈僭則楠木蘇松常道
廳柱礎皆刻升龍今已撤而輦至京師供將作矣
缺裁散爲民居後歸蔣氏名曰復園又歸海寧查比部世倓
復歸平湖吳氏咸豐庚申粵匪踞爲僞王府城復歸官同治
十年改爲八旗奉直會館

蘇州府志

卷四十六

第宅園林二

十

陽山草堂山人岳岱結隱其中花木翳然修竹萬挺新筍味絕

吳下

國朝汪琬岳園數易荒園主泉枯竹已花居人談舊事猶指隱君家

顧仁效陽山草堂在陽山下王文恪鑒記云顧仁效結廬陽山
之下弃去舉子業獨好吟詠兼工繪事坐對陽山拄笏搜句
人無知者

顧家青山在大石左麓顧元慶貯書所也山中名勝有八元慶

自爲記

范提學允臨宅在臨頓橋北

劉曙宅在通關坊有千柱堂今爲城守參將署

遂儀堂在北察院前曹文明妻張節婦居宅鹿城王元懋書額

子咸陽令應旌明末殉難

歸田園鄰拙政園王侍郎心一所構中有蘭雪堂崇禎己亥築
又有泛紅軒竹香廊諸勝今園已廢而基址尚存

國朝

橙林小隱在史家巷考功郎顧子咸所居其東偏曰雅園水木
渟泓南池遺意亭尤幽勝類山居考功自記云予家茲里里
中有曠土俗呼野園余拮据數年粗成小築易野爲雅從吳
語也考功第十子知新會縣嗣協別構依園在乘鯉坊西有
妙嚴臺梁妙嚴公主墓在其下第十一子翰林嗣立秀野園在依園東
有秀野草堂名最著國朝徐柯妙嚴臺用坡公海州石室韻有序依園中一邱再成名妙嚴臺者

蘇州府志

卷四十六

第宅園林二

土

里人所稱姝姝墳也在禪興寺後疑卽妙嚴尼院地或云寺
爲梁妙嚴公主香火院至今寺僧塑像奉之號曰山主或云
捨宅爲寺後卽葬焉考梁時公主見於史書者有玉姚玉婉
玉嬋令嬋含貞又有長城吉安皆有封號不知妙嚴主何封
也梁主好文其子皆有長城吉安皆有封號不知妙嚴主何封
其妙女亦好文然冠以王者武帝女也簡文王皇后生長山公主
名妙其子則簡文之名女妙嚴又何以疑也侯景納簡文女漂
陽公主爲范淑妃生史不著名氏豈妙嚴耶景旋烹滅曾不
五稔梁祚告終案漂陽分羹之日纔止十四則梁朝遷鼎之
年未滿二十家國淪胥棄俗染衣轉倚旁郡理宜有之陳氏
有國托跡禪讓盛年故主優以禮數豐其資給示厚所代故
得峻啟精藍大作邱壠又事之所有者不稱溧陽而稱妙嚴
或前朝封號又爲賊臣逼辱故諱之也老病善忘遺書散失
粗據所見質之博雅焉主人飾臺本規麗囑篇中止序賞會
云爾吾歌妙嚴臺妙嚴臺主人在何處地近閭邱古坊路灌
草第不行蹤嚴臺妙嚴臺主人在何處地近閭邱古坊路灌
雁時出光怪迷年數金粟山人亦好奇擗荒剗穢來敬宇洞
壑嶺呀蒨蘿除一邱突兀知誰墓夾以怪石雜妍卉酬以茗
汁兼椒醕諡以闔閭百尺之嘉名實以蕭梁萬乘之貴主影